



Alò, fòk ou konnen dwa w pou lè w kontre avèk ICE.

Projè pou Defans Imigran ak siveye lè Imigrasyon (ICE) ap arete moun nan kominote an.

Ki moun ki an danje pou ICE arete yo?

Lalwa pèmèt gouvènman federal la depòte sèten imigran, tankou:

- Nenpòt moun ki pa gen estati imigrasyon legal
- Moun ki gen estati imigrasyon legal (pa egzanp, rezidan pèmanan, refijye, oswa moun ki gen viza), men ki gen sèten kondanasyon kriminel.

Gouvènman federal la di ICE ki moun yo ta dwe vize oswa bay priyorite pou arestasyon. Sepandan, ajan ICE yo decide ki moun yo arete, e yo enkli ladan moun ke yo panse:

- gen lòd final pou depòtasyon,
- ka depòte dapre lalwa Etazini, epi ki gen ka kriminel ann atant, oswa moun ki te deja genyen yon kondanasyon kriminel,
- antre ilegalman Ozetazini san estati imigrasyon, ou
- reprezante yon menas pou "sekirite piblik" oswa "sekirite nasyonal."

Administrasyon federal la ka chanje priyorite yo. Menmsi ou panse ou pa nan priyorite arestasyon ICE yo, ICE ka toujou decide arete si ou gen yon estati imigrasyon ki vilnerab pou depòtasyon.



Pou moun ki gen papye men ki tegen pwoblèm ak la jistis

Fè atansyon: Ou ka yon sib menm si:

- Sa fè lontan ou te gen pwoblèm ak lajistis.
- Ou pa t pase nan prizon
- Ka w pa t gwo
- Sa fè lontan ou se yon rezidan; e / ou byen
- Tout fanmi w se sitwayen ameriken

Èske ajan ICE yo ap apwoche nenpòt moun yo panse yo ka depote?

Anjeneral, ajan ICE yo idantifye moun yo vle arete a anvan. Apre sa, yo ale nan kay, tribinal,abri pou moun san kay, oswa kote travay. Pafwa, yo ale nan kay pou chèche enfòmasyon sou kijan yo ka jwenn yon moun, tankou kote li travay. De pli zan pli, yo rete tann moun nan lari pou fè arestasyon an.

Li ilegal pou ajan ICE yo apwoche moun epi mande yo papye sèlman sou baz jan yo parèt (pa egzanp, ras yo) oswa lang y ap pale a. **Si sa rive, ou gen dwa rete an silans, menm jan ak nenpòt lòt fwa ou gen entèraksyon ak ICE.**

Si m konnen imigrasyon ap chèchèm, kisa m ka fè?

- **Fè plan** avèk fanmi w an ka Imigrasyon pran w!
- **Evite kontak ak Imigrasyon** – pa aplike pou chanje estati imigrasyon oubyen pou renouvle alyen kat ou e pa vwayaje a letranje san w pa pale avèk yon avoka.
- **Evite kontak avèk lajistis** (lapolis pataje anpwent ou avèk Imigrasyon)!

Imigrasyon avèk Ladwan (ICE) se yon ajans gouvènman federal ki responsab depòte moun.

SI GEN YON RISK POU YO DEPÒTÈ W OSWA FANMI W, FÈ PLAN!

Li pa fasil konnen dwa ou yo epi kijan pou ou egzèse yo. Ou ka jwenn plis enfòmasyon sou:

immdefense.org/kyr

Materyèl sa yo se sèlman enfòmasyon. Se pa konsèy legal. Ajou depi Fevriye 2025.

ENFÒMASYON SOU ÒGANIZASYON LOKAL

Licensed under a Creative Commons Attribution-NonCommercial 4.0 Intl. License. (creativecommons.org/licenses/by-nc/4.0)

Ki sa m dwe fè si Imigrasyon vini kotem nan lari oswa nan piblik?

Lè Imigrasyon arete moun an piblik, an jeneral yo fè sa rapid. Yo gen dwa rele non w byen fò, e mande w si se konsa ou rele, e arete w apre.

- Avan w bay non w oubyen okenn enfòmasyon, mande yo **“Èske mwen gen dwa ale?” (“Am I free to go?”)**
 - **Si yo di WI:** Di “Mwen pa vle reponn kesyon w” oubyen “Mwen ta pito pa pale avè w kounye a.” Epi, ale.
 - **Si yo di NON:** Pa di yon mo anplis ke sa a: “Mwen ta renmen itilize dwa m pou m pa reponn kesyon” e apre “M ta renmen pale avèk yon avoka.”
- Si yo ap kòmanse chèche nan poch ou oswa nan afè pèsònèl ou, di: **“M pa bay dwa pou nou fouye nan afè m.”**
- **PA BAY MANTI ni montre fo dokiman. Pa sove oubyen fè fòs avèk ajan yo.**
- Pa reponn kesyon sou estati imigrasyon w oubyen kote w soti. Y ap itilize tout enfòmasyon ou bay yo kont ou. Pa ba yo okenn dokiman etranjé tankou yon paspò, oubyen kat identite ke peyi w ba w oubyen viza ki ekspire.
- Si w nan tribinal pou yon bagay kriminèl, mande pale ak avoka w avan yo ale avèw.

Si ofisyè vini lakay mwen, eske m ap konnen si se Imigrasyon?

Pa tout tan! Fè atansyon: Souvan, Imigrasyon di se polis yo ye e di yo vle pale avè w pou yon ankèt sou vòl idantite oswa yon investigasyon.

Eske Imigrasyon ka antre lakay mwen pou arete m?

Si Imigrasyon pa gen yon manda siyen pa yon jij, yo pa ka antre lakay ou san pèmisyon yon granmoun. Menm si ou ouvri pòt la lè yo frappe, sa pa ba yo pèmisyon pou yo antre lakay ou.

Ki sa pou m fè si ofisyè yo lan pòt lakay mwen?

- Eseye konnen si yo se Imigrasyon ou pa.
- Eseye rete kalm. Rete moun debyen. Pa bay manti. Di **“Mwen pa vle pale ave nou kounye a.”**
- Mande pou wè yon manda ke yon jij siyen epi pou yo pase manda a anba pòt la. Si yo pa gen youn, pa kite yo antre lakay ou.
- Si y ap chèche yon lòt moun, **di yo kite nimero telefòn yo.** Ou pa oblije di yo ki kote pou yo jwenn moun nan e **ou pa dwe bay manti.**



Ki sa pou m fè si Imigrasyon andedan lakay mwen pou arete yon moun?

- Di imigrasyon si gen timoun oswa lòt moun vilnerab lan kay la.
- Mande yo pou yo kite kay la a mwens ke yo gen yon manda siyen pa yon jij.
- Si yo te antre lakay la san otorizasyon, di yo **“M pa t bay nou dwa antre lakay mwen. Souple, mete nou deyò.”**
- Si yo vle eseye fouye chanm oubyen bagay nan kay la, di yo **“M pat bay nou dwa fouye kay mwen.”**
- Si ICE ap arete w, di yo si w gen pwoblèm medical oubyen ou bezwen moun pou okipe timoun.

Ki dwa mwen genyen si Inmigrasyon ap arete m?

- Ou gen dwa **pa pale.** Ou gen dwa **pale avèk yon avoka.**
- **PA BAY MANTI** paske sa ka sèlman ba w pwoblèm pi devan.
- Ou **pa bezwen** di yo ki kote ou fèt, ki sa estatu imigrasyon w ye, oubyen listwa kriminèl ou. Mande pale avèk yon avoka olye pou reponn kesyon.
- Ou **pa oblije bay yo paspò oswa dokiman peyi** kote ou soti, a mwens ke yon jij ba yo yon manda.
- Ou **pa bezwen siyen anyen.**

Ajou depi Fevriye 2025.

Para más información: immdefense.org/kyr

Licensed under a Creative Commons Attribution-NonCommercial 4.0 Intl. License.
(creativecommons.org/licenses/by-nc/4.0)



KYR@immdefense.org